



Pou Piblikasyon Imedya: 04/10/2022

GOUVÈNÈ KATHY HOCHUL

GOUVÈNÈ HOCHUL LANSE PREMYE MWA SANSIBILIZASYON ANYÈL SOU DWA MOUN KI ANDIKAPE AK SOU TRAVAY NAN ETA NEW YORK

Senpozyòm ak fwa travay vityèl pou prezante ajans eta yo, anplwayè prive ak òganizasyon san bi likratif yo ki angaje yo pou anboche moun ki andikape yo

Gouvènè a pibliye pwoklamasyon ki deziyen mwa oktòb kòm Mwa Sansibilizasyonizasyon sou Dwa Moun Andikape yo ak Travay

Lejislasyon (A.8915-B/S.7746-B) pèmèt Biwo pou Moun Ki Gen Andikap Devlopmantal la etabli pwogram fòmasyon volontè ak sètifikasyon pou anplwayè ki anboche moun ki gen andikap yo

Lejislasyon (S.7578-C/A.8549-C) kreye yon nouvo limit pou ki pousantaj Nouyòkè ki gen andikap yo dwe fè yon kontra sous privilejye

Gouvènè Kathy Hochul te lanse jodi a premye Senpozyòm anyèl New York nan kad Mwa Sansibilizasyon sou Dwa Moun ki Andikape ak Travay (Disability Rights and Employment Awareness Month, DREAM) la, ki gen alafwa yon evènman k ap dire yon jounen konplè ki gen ladann yon fwa vandè, atelye, amizman ak prezantasyon prim, epi li pral ofri tou yon fwa travay sou entènèt ki vize pou mete aksan sou angajman eta a pou sipòte dwa moun andikape yo nan espas travay la madi 11 oktòb pwochen. Gouvènè Hochul te siyen tou lejislasyon (A.8915-B/S.7746-B) ki pral pèmèt Biwo pou Moun ki gen Andikape Devlopmantal (Office for People with Developmental Disabilities, OPWDD) yo etabli yon pwogram fòmasyon volontè ak sètifikasyon pou anplwayè ki anboche moun ki gen andikape yo; ak yon lòt lwa (S.7578-C/A.8549-C) ki kreye yon nouvo limit pou ki pousantaj Nouyòkè ki gen andikap yo dwe fè yon kontra sous privilejye.

"Pou rèv New York la vin yon reyalite, nou dwe kontinye fè eta nou an enklizif, entegral ak aksesib pou tout moun", **Gouvènè Hochul te deklare.** "Mwa Sansibilizasyon sou Dwa Andikap ak Travay la rekonèt chemen nou travèse pou nou rive nan finalite sa a ak yon realizasyon ke gen plis travay ki dwe fèt pou elajî dwa moun ki andikape yo epi asire yo gen menm opòtinite nan mendèv la ak tout Nouyòkè yo."

Gouvènè a te pibliye tou yon [pwoklamasyon](#) ki lanse premye Mwa Sansibilizasyon sou Dwa Moun ki Andikape ak Travay la ak Senpozyòm 'DREAM' lan, ki vize pou rekonèt dwa Kominote andikape New York la, ki gen ladan dwa pou jwenn opòtinite travay egal. Evènman de jou ki te kòmanse jodi a te prezante yon fwa vandè an pèsòn ak plis pase 70 òganizasyon prive, publik ak òganizasyon san bi likratif epi li pral kontinye madi pwochen ak yon fwa travay vityèl ki gen plis pase 100 biznis ki enterese anboche moun ki gen andikap ak prèske 8,000 òf travay.

Senpozyòm nan te prezante kat atelye ki gen rapò ak anplwaye moun ki gen andikap:

- Pwogram ABLE nan Eta New York la
- Yon Apèsi sou Plan 5.07 la ki Pwopoze pa OPWDD - 2023-2027
- Pwogram B & C Sèvis Sivil Eta New York la
- Ankourajman Travay pou Moun ki gen Andikap yo

Epitou nan kad senpozyòm nan, eta a te rekonèt reyalizasyon de defansè ke travay yo te ede asire ke moun ki gen andikap yo resevwa sèvis nan fason ki pi enklizif, entegre ak aksesib jan sa posib pou satisfè bezwen yo. Brad Williams, direktè egzekitif Independent Living Counci (Konsèy Lavi Endependan) Eta New York la, te resevwa DREAM Lifetime Advocacy Achievement Award (Prim pou Ansanm Reyalizasyon an matyè Defans DREAM lan), alòske Kristin Booth Glen, yon pwofesè inivèsite ki pran retrèt ak dwayen emerit nan CUNY School of Law, te resevwa Prim Defans 2022 Dream (DREAM 2022 Advocate Award) lan. Evènman an te prezante tou FLAME the Band, yon gwoup mizisyen andikape ki te jwe nan Sal Datant Empire State Plaza a.

Avan senpozyòm lan, Gouvènè Hochul te siyen lwa (A.8915-B/S.7746-B) ki mande Biwo pou Moun ki gen Andikap Devlopmantal eta a pou etabli yon fòmasyon volontè ak pwogram sètifikasyon pou anplwayè ki te pran angajman EmployAbility ajans lan. Pwogram fòmasyon volontè a pral ankouraje teknik ak estrateji anplwayè yo ka aplike pou ogmante divèsite atravè anbochaj moun ki gen andikap yo.

Senatè Eta a John Mannion, te deklare, "Nou konnen gen yon korelasyon dirèk ant pwogram Preferred Source (Sous Privilejye) la, opòtinite travay pou moun ki gen andikap yo, ak plizyè milya dola nan aktivite ekonomik. Pati lejislasyon mwen yo elaji pwogram nan epi kreye nouvo konsèy ak sètifikasyon pou ede biznis yo konekte ak sipòte anplwaye ki andikape yo. Mwen espere ke sa ka ouvri pòtay yo ak opòtinite travay pou yon kominate ki fè eksperyans yon to chomaj terib 70 poustan. Pwojè lwa sa yo fè pati angajman mwen pou konstwi yon New York ki pi ekitab, jis, ak egal epi mwen pwofondman apresye patenarya ak lidèchip Gouvènè Hochul."

Manm Asanble Chris Burdick, te deklare, "Kòm prezidan sou-komite pou Opòtinite Travay pou Moun ki gen Andikap (Employment Opportunities for People with Disabilities) yo, mwen te aprann anpil bagay sou anpil baryè ki genyen nan travay pou popilasyon sa a. De pwojè lwa mwen yo, A8549 ak A8915, pral ede ensite ak ankouraje konpayi yo anboche moun ki gen andikap yo. Mèsi Gouvènè Hochul ak Komisyonè

OPWDD Neifeld pou kolaborasyon yo nan fè pwogrè reyèl nan domèn sa a. Nou poko rive kote nou bezwen ye a, men pwojè lwa sa yo se yon etap nan bon direksyon an."

Gouvènè Hochul te siyen tou lejislasyon (S.7578-C/A.8549-C) ki modènize lwa sous privileje a epi ki kreye yon nouvo limit pou ki pousantaj Nouyòkè ki gen andikap oswa moun ki otreman kalifye dwe fè kontra sa yo pou resevwa estati sa a. Nouvo lwa a etabli yon estanda ke 50 pousan oswa plis nan travay ki soti nan yon kontra sous privileje dwe fèt pa moun ki gen andikap epi li fikse limit pou depans diskresyonè a 100,000 dola san apwobasyon Biwo Sèvis Jeneral (Office of General Services, OGS) eta a.

Ofisye an Chèf pou Moun ki Andikape a, Kim T. Hill, te deklare, "Se responsabilite nou pou nou pwoteje ak defann dwa ke moun ki gen andikap yo vle ak merite, tankou dwa pou yon travay ki pwofitab, pwodiktif, entegre, epi ki nesesè. Ansanm, nou dwe fè efò pou amelyore opòtinite yo epi pwoteje dwa moun ki andikape yo pou yo mennen lavi ki totalman entegre nan kominate nou yo, sa ki pral mennen nan rezulta travay ki gen siksè, avansman karyè ak antreprenarya pou moun ki gen andikap epi vrèman rann eta nou an enklizif pou tout Nouyòkè yo."

Anplis de sa, yon [ekspozisyon](#) sou konsyantizasyon sou dwa moun ki gen andikap yo ak sou travay ap afiche nan Sal Resepsyon Gouvènè a nan dezyèm etaj Capitol Eta New York la jiska 4 novanm. Eksposizyon an onore istwa rich, defi, ak reyalizasyon mouvman dwa moun andikape yo, ak pwoteksyon, sèvis ak sipò yo te reyalize nan Eta New York.

Egzibisyon an prezante imaj ak istwa Nouyòkè ki te goumen epi k ap kontinye goumen pou dwa yo, tankou chèz woulant Franklin Delano Roosevelt te itilize nan Executive Mansion (Palè Egzekitif) lan pandan li te Gouvènè. Yo pral afiche yon vèsyon panèl eksposizyon an nan Empire State Plaza jodi a nan kad senpozyòm lan.

Anba lidèchip Gouvènè Hochul, Eta New York ap redinamize Komisyon Travay an Premye (Employment First Commission) orijinal la ak objektif li yo pou ranfòse yon angajman solid pou amelyore yon fason konsiderab to travay pou moun ki gen andikap yo. Etabli an 2015, Politik Travay an Premye (Employment First Policy) e New York la se yon zouti pou gouvènman an, ajans kominotè yo, ak òganizasyon defans yo travay an kolaborasyon pou ogmante pousantaj travay Nouyòkè ki gen andikap yo k ap resevwa sèvis yo a senk pousan.

Nan kòmansman ane sa a, Gouvènè Hochul te etabli tou premye Biwo Ofisye Anchèf pou Moun ki Andikape (Office of the Chief Disability Officer) nan eta a pou defann nan non moun ki andikape yo. Nouvo biwo sa a ap ede etabli New York kòm yon modèl pou enklizivite, entegrasyon, ak aksesibilite nan asire tout politik, pwogram, ak aktivite eta vrèman satisfè bezwen tout moun ki gen andikap yo.

Hill, ke yo te nonmen ofisye Anchèf pou moun ki gen andikap an fevriye, kolabore ak ofisye Anchèf divèsite eta a nan Chanm Egzekitif la pou ranfòse plis yon apwòch konplè

atravè eta a. Li kowòdone tou aplikasyon Eta a nan Lwa sou Ameriken ki Andikape (Americans with Disabilities Act, ADA) yo epi sèvi kòm Prezidan Konsèy Kowòdinasyon Anviwònman ki pi Entegre (Most Integrated Setting Coordinating Council) a.

Komisè Biwo pou Moun Ki Gen Andikap Devlòpmantal la, Kerry Neifeld, te deklare, "Moun ki gen andikap entelekyèl ak devlòpmantal yo kapab epi yo ta dwe jwe yon wòl empòtan nan ekonomi eta nou an paske yo reprezante yon gwoup anplwaye ki lajman pa eksplwate, ki pare, ki vle epi ki kapab travay. OPWDD fyè pou l kreye patenarya ak Biwo Ofisyè Anchèf pou Moun ki Andikape a ak ajans sè li yo pou ede tout Nouyòkè yo reyalize diyite ak endependans ekonomik atravè travay ki gen sans."

Komisè Depatman Travay Eta New York la, Roberta Reardon, te deklare, "Yon mendèv divèsifye ak enklizif se kle pou siksè epi DOL la rete angaje nan asire opòtinite ekitab pou moun ki gen andikap yo. Chak Nouyòkè merite chans pou yo jwenn yon karyè yo renmen e Mwa Nasyonal Sansibiliizasyon sou Travay pou Moun ki gen Andikap la se yon gwo opòtinite pou biznis yo egzamine politik ak pratik yo, epi montre efò enklizyon yo."

Doktè Ann Sullivan, ki se Komisè Biwo Sante Mantal la, te deklare, "Biwo Sante Mantal (Office of Mental Health, OMH) la pran angajman pou sipòte pwosesis rekiperasyon an pou moun k ap viv ak maladi mantal yo atravè travay konpetitif, entegre. Anplis benefis ekonomik yo, travay ankouraje yon sans endependans, ranfòse estim deswa, bay estrateji pou adapte fas ak sentòm sikuatrik yo, epi ofri opòtinite pou devlopman pèsonèl. Mwen remèsyé Gouvènè Hochul ak Ofisyè Anchèf pou Moun ki gen Andikap la Kim Hill paske yo te òganize premye selebrasyon anyèl New York la sou Mwa Sansibiliizasyon sou Dwa Moun ki Andikape ak Travay kote nou pran angajman pou fè New York vin yon lidè nan pwomosyon dwa ak opòtinite travay pou moun ki andikape yo. OMH kontinye kolabore ak patnè ajans leta yo pou amelyore pwogram pwofesyonèl, edikatif, travay ak fòmasyon pou moun ki gen andikap yo."

Komisè Depatman Sèvis Sivil la (Department of Civil Service, DCS) Timothy Hogues, te deklare, "Nan kad lidèchip Gouvènè Hochul, Empire State te fè pwogrè dramatik pou kreye ak ranfòse opòtinite pou tout Nouyòkè yo, elimine baryè ki genyen nan mobilite sosyal ak ekonomik epi pwomouwva opòtinite egal pou tout moun. Depatman Sèvis Sivil la kontan pou l fè pati premye Mwa Sansibiliizasyon sou Dwa Moun ki Andikape ak Travay Eta New York la pou mete aksan sou opòtinite karyè nan sèvis piblik ki disponib pou moun ki andikape yo. Atravè pwogram tankou Pwogram Gouvènè a pou Anplwaye Moun ak Veteran Andikape yo, n ap trase chemen ki mennen nan sèvis eta yo pou moun ak veteran andikape yo. Nou pa ka tann pou nou travay ak patnè ajans eta nou yo pou kontinye konstwi yon mendèv piblik ki kapab pi byen sèvi enterè tout Nouyòkè yo."

Komisè Biwo Sèvis pou Timoun ak Fanmi an, Sheila Poole, te deklare, "Ajans nou an rekonèt gwo valè yon mendèv divèsifye - yon mendèv ki gen ladan tou moun ki gen andikap yo. OCFS òganize Komisyón Eta a pou Avèg, ki gen misyon pou amelyore kapasite pou travay, maksimize endependans epi ede devlope kapasite ak fòs moun ki

avèg yo ak moun ki gen pwoblèm vizyon yo. Komisyon an se yon patnè eta ki bay travay ak fòmasyon konplè pou jèn ak adilt pou pèmèt granmoun jwenn pi bon kalite travay. Pwogram yo konsantre sou travay ki gen sans pou moun yo ka mennen yon lavi pwodiktif epi ki epanouyi. Nou travay sere ak Depatman Travay la ak sant karyè yo pou amelyore aksè nan sistèm lan pou moun k ap chèche travay ki se avèg ak teknoloji asistans ak asistans teknik."

###

Lòt nouvèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418